

岑襄勤公年譜

岑襄勤公年譜

卷一起道光九年訖咸豐十一年

卷二同治元年訖七年

卷三同治八年九年十年十一年

卷四同治十二年十三年

卷五光緒元年二年三年四年

卷六光緒五年六年七年八年

卷七光緒九年十年

卷八光緒十一年

卷九光緒十二年十三年

卷十光緒十四年十五年

有書十卷門人劍川趙藩所編輯操槩於壬辰夏五閱八十日而竟序之曰名公卿鉅人長德率有年譜或自訂或成於子弟門人故吏或異世之士寄勸慕而爲之論世知人誠有取也西林岑襄勤公勛業炳蔚九牧歎仰公初以諸生治鄉兵捍閭里薦膺丞佐從戎於滇起牧令至開府中開奉諱復出數歷黔閩仍返滇鎮視師越南盡瘁於位溯自咸豐丙辰訖光緒己丑公之樹聲建績實以滇相終始藩滇之鄙人生長兵閒習與諸將佐遊又客公幕府者三年略知滇亂之大凡與公之行事曩公薨後鎮遠中丞屬爲草疏陳公勛績蓋已綜其重且要者而顯

揭之今辱諸公子譎諉撮所睹記臚成是書固陋之譏惴惴弗  
免方咸同閒滇疆糜爛西南數千里靈輿不見天日者積十有  
餘稔公提孤軍介嫌疑危險之際動心忍性出死入生卒以贊  
中興而夷大難近歲南交之役尤天下安危所係考公所爲或迅厲  
以赴機或委曲以濟變或忍辱以負重或勇斷以藏功或默運  
潛移而隱患以消或審敵蓄威而便宜是守或心迹幾難自明  
而久乃大白或措施不求共諒而徐無異詞此類類末無隱無  
飾務存其真將使後之景公生平攷求邊事者有所徵信焉然  
而辭則費矣光緒十八年七月朔日書於京師安福胡同寓齋

岑襄勤公年譜卷一

公諱毓英字彥卿號匡國廣西西林人岑氏系出東漢舞陰壯  
侯諱彭公世居南陽棘陽傳至諱仲淑公居浙之餘姚第進士  
宋皇祐中累官武威上將軍從狄武襄討平儂智高留知永寧  
軍遂家焉卽今南寧府也以功晉懷遠大將軍卒贈粵國公又  
七世至諱怒木罕公元時投泗城路軍民總管府遷居今泗城  
又三世至諱子成公明永樂中授分管上林峒長官司遷居今  
西林又六世至諱密公襲長官司遷居縣屬那勞寨傳子諱恩  
公入

國朝仍襲長官司康熙五年鄰境土司爭地構訟改土設流世職

遂替又七世至諱作公公高祖也曾祖諱正美字玉堂

諱贈榮祿大夫累贈光祿大夫妣黃氏

諱贈一品夫人祖諱秀岐字鳳山

諱贈榮祿大夫累贈光祿大夫妣周氏鄧氏

諱贈一品夫人考諱蒼松字鶴亭泗城府學生員

諱贈榮祿大夫累贈光祿大夫妣謝氏

諱贈一品夫人繼妣謝氏

諱封一品夫人叔祖諱秀陵無嗣以公官

贈贈榮祿大夫妣黎氏

贈贈一品夫人 公兄弟四人女兄弟三人公則鶴亭公長子爲元

配謝太夫人出諸弟妹俱繼配謝太夫人出

巳道光九年公生

公生五月二十五日午時端峯山者西林城東鎮山也鳳山公以杖鄉之年切望抱孫鶴亭公因禱於山靈而生公體貌瑰偉異於常童生時有大星流於居宅光芒煜耀鄧太夫人見而驚異以告鳳山公公大喜曰是孫將亢吾宗宜善視之是年鶴亭公應院試入郡庠

庚道光十年公二歲

三月十二日妣謝太夫人卒葬寒北山下平捫田公時未周晬襁褓哀啼如有知識不食他人乳惟餽粥糜鄧太夫人哀憐彌

主躬自鞠養至於成立

卯道光十一年公三歲

公性穎異鳳山公奇愛之因述昔葬祖考諱作公於寨西北之  
那亞山形家謂三十年後當生達人以時考之殆其是矣

辰道光十二年公四歲

二月繼妣謝太夫人來歸同邑謝公錫寬之女 公甫受學於

庭日識數十字

巳癸道光十三年公五歲

從家塾師周先生大謨授書能舉字義因事問難妙契理解師  
甚稱異 七月公大妹生後適同邑韋氏壻名孔安守節獲



甲午道光十四年公六歲

從事葦又新先生受學凡六年 六月公侍鳳山公觀漁於舍

側鳳山公笑謂漁者水大得無病魚乎公率爾對曰以孫思之

當不其然魚病無水不病水大猶人病無風不病風猛也鳳山

公首領之歸為鶴亭公詫其宿慧 九月公弟毓祥生後以軍功游擢

分省補用道 賞二品封典按察使銜花翎振勇巴圖魯名號

乙未道光十五年公七歲

丙申道光十六年公八歲

九月公二妹生後適同邑黃氏壻名學超

丁道光十七年公九歲

是年讀五經畢始爲時文試律

戊道光十八年公十歲

己道光十九年公十一歲

從事許漢階先生受學凡三年

庚道光二十年公十二歲

是年公作時文成篇 二月鳳山公卒壽六十有七歲葬那亞

山 鳳山公伉直任俠勇於爲善抑強扶弱里黨敬憚性尤友

愛弟秀岐公喪偶無子矢不再娶公爭之不得則別治一室兄

弟同居處連牀款話極意慰嫻之十數年如一日迨鳳山公考

旌  
終而秀峻公亦哀毀尋卒邑中稱孝友無閒言 鳳山公將易  
簪命呼公至榻前撤所覆重衾之一以賜曰恨不及見汝之成  
立覆此如日侍祖側耳公泣跪而受之後夜讀倦每引衾輒感  
涕復起讀益勤鶴亭公嘉其有至性鍾愛彌篤雖從師授學暇  
輒躬督課程不以愛而弛教也 八月公三妹生後矢志不字  
養母終身以孝獲

辛丑道光二十一年公十三歲

公資敏而溺苦於學無他玩好鶴亭公慮積勞致疾令於讀書  
之隙兼習弧矢劍槊導引氣血久之遂嫻武技 閏三月公弟

年譜卷一  
毓寶生

後以軍功授福建鹽法道擢雲南按察使 賞  
二品頂戴花翎黃馬褂額圖譯巴圖魯名號

壬寅道光二十二年公十四歲

鶴亭公詔公博習親師以成學業乃襆被負笈徒步至雲南廣  
南郡城從事建水舉人周虹舫先生受學

癸卯道光二十三年公十五歲

七月自廣南還家肄業本邑書院院長爲貢生溫先生名安業

甲辰道光二十四年公十六歲

復至廣南從寶甯貢生殷仲春先生受學

乙巳道光二十五年公十七歲

自廣南還家二月赴縣城應本年歲科併試取列第一名知縣

爲直隸進士劉公熙樵賞公試藝召入署齋讀書四月赴泗城  
廉府試取列第一名知府爲貴州進士鄒公拙山六月赴奉議  
州廉院試取入西林縣學附生第一名提督學政爲烏程甲辰  
進士周公穀雲發落日呼至案前獎勵數十語諄諄以讀有用  
書爲不朽人相勗旋歸家侍鶴亭公讀書家塾是年六月公弟  
毓琦生

後以軍功游擢分省補用道  
二品封典花翎監運使銜

賞

丙午道光二十六年公十八歲

十一月公配江夫人來歸外舅爲同邑處士江公毓鯨 是年  
鄰邑土匪竊發鶴亭公奉邑令檄聯保甲扼險要爲預備寇不  
得侵掠鄉里獲安

丁道光二十七年公十九歲

公偕弟毓祥赴廣南仍從殷仲春先生學

戊道光二十八年公二十歲

公偕弟毓祥在廣南 公之游學廣南也先後凡歷五年齋粥  
其食緇布其衣節縮以具廕贊間人有書婉轉假貸窮日夜默  
誦或懷餅就鈔僦居環堵之室冬不爐夏不扇風雨篝燈率至  
丙夜資用屢不給同學勸應蓮城書院課試輒前列獲獎膏火  
藉供薪米刻苦津勵抗希古人蓋不僅慕以科第博堂上歡也

己道光二十九年公二十一歲

是年爲奉公有疾公偕弟毓祥自廣南疾馳歸省侍奉起居經

營醫藥十一月十五日鶴亭公卒葬寒東北客腊山公哀毀殊甚 西林岑氏世職改流後以耕讀相承無顯者自鶴亭公始用文學起家負文武才顧數奇不遇課塾終其生居恒哀錄先哲嘉言高曾董戒爲祖訓一編臨歿出以授公俾服習之

庚道光三十年公二十二歲

金田寇洪秀全等作亂蔓延全省有

詔舉辦團練邑令檄公爲西鄉團總公以居廬讀禮辭令援墨經從戎之義相敦勗乃出受事自捐家財儲糧製械以兵法部勒丁壯日事訓練隱然節制之師

辛咸豐元年公二十三歲

二月二十九日西林西隆土寇陸大陳三等陷縣城公帶國堵  
勦西鄉獲安其冬廣南師宗沙寇王福王富等復勾結土寇李  
發科何博長等分竄西林之八橋八表西隆之舊州戛邊凌雲  
之河口洛里公往來堵勦屢獲勝仗

壬戌豐二年公二十四歲

正月公計擒王富七月陣擒李發科俱解官正法 十一月十  
七日公子春榮生

癸戌豐三年公二十五歲

是年冬公陣殲何博長王福楊亞左李亞狗擒王毛弟等寇目  
十一人解郡正法於是奸宄之渠斬刈略盡解散脅從間里賴



安守令上公功時善化勞文毅公崇光巡撫廣西彙疏請獎奉  
旨以縣丞選用

甲辰咸豐四年公二十六歲

四月公長女生後適臨桂唐氏壻名則瑀

乙卯咸豐五年公二十七歲

時鄰氛未靖公仍帶團保境外寇闖入屢擊卻之是年冬邑境  
無事迺呈請撤團歸農

丙辰咸豐六年公二十八歲

時雲南漢回所在仇殺全滇騷動是年迤西回寇陷姚州大理  
賓川踞之戕迫西道林廷禱提標參將懷唐阿太和縣知縣毛

玉成寶川州知州潘仲輯永平縣知縣朱慶鏜保山縣知縣周錫桐等文武十餘員蒙化回寇擁保山回首杜文秀入居大理稱偽帥落髮易服逆敵尤張

詔以在籍侍郎黃文潔公琮御史寶公埤總兵周公鳳岐會辦團練公在廣南久習於滇人乃募勇入滇投效因寶公埤導謁大府與論兵事賞其曉暢檄往迤西總兵福陞軍營差遣進勦紅岩時雲貴總督爲恒春公雲南巡撫爲舒興阿公提督爲文祥公

丁巳咸豐七年公二十九歲

正月公奉派會同都司何有保攻熊家營寇壘破之連克大東

村石匣村斑鳩村各屯遂偏紅岩力攻一晝夜火其柵門有保  
衛身躍入公督兵繼之克紅岩是爲公入滇會勦之始叙功

賞戴藍翎

時迤東南回寇亦踞潞江嵩明安甯總督恒春公主東

撫西勦寇佯就撫行省弛備寇出不意竄犯省城焚南關屢肆  
火半月不息人民死者無算六月恒春公憂憤自裁舒輿阿公  
引疾布政使桑公春榮兼護督撫篆迤西官軍失利西寇連陷  
順甯雲州永平蒙化鄧川浪穹雲南趙州彌渡公偕副將福兆  
援省旋假歸西林措資募勇八月

以吳公振械總督雲貴桑公春榮巡撫雲南起張公亮基五品京

堂幫辦雲南軍務 是年二月初一日公次子春煦生

戊午歲豐八年公三十歲

公在籍奉郡守檄調團會營勦土寇陳義順關奇吳廷光等旋  
撲滅之 是年吳公振械張公亮基先後率師入滇張公大破  
宣威回寇殲斃數千軍聲頗振吳公復主撫議劾罷團練侍郎  
黃公琮等疏請給回人掌教馬德新四品頂戴回目收標拔補  
弁委然回心未壹漢夷不逞之徒又交煽於其間焚掠時聞回  
尋破武定祿勸屠昆明屬之漁村各甲當道虛敗撫局不問也  
桑公春榮旋引疾奉

召入京張公亮基代爲巡撫未幾吳公振械亦引疾

詔張公亮基爲總督按察使徐公之銘擢巡撫

己咸豐九年公三十一歲

二月公復募勇至滇派防北城時回目馬鴻先馬良玉等伴就撫竄踞宜良縣城復屯縣屬湯池爲犄角四月公奉派往勦抵湯池立營未畢寇分道來犯迎戰三時之久寇卻復前公督隊衝入寇陣撓其後寇敗走連日復犯大哨大凹口各營皆擊破之公弟毓寶乘勝攻下施家窩七孔坡寇壘殲甚多六月公移營海邊料寇必乘我預令守備陳開榜把總張福保簡銳卒效寇裝伏湯池後山松林中寇果分股出犯公督把總陳大升等扼水路把總米洪順等扼山路寇輕我寡爭前進伏兵張白幟馳下山湯池寇以爲黨也突入其壘殲之卽易赤幟抄出夾

擊寇驚潰斬級數百溺斃無數盡得其驛馬礮械進攻宜良城  
寇以全力要路迎戰公身先奮擊斬馬鴻先於陣馬良玉乘夜  
率黨竄逸遊練乘隙入城縱掠公軍急馳進城遣練目潘文興  
吳鳳岡李成功等彈壓解散安撫居民城中乃定叙功奉

旨以

知縣留雲南補用加知州銜 十月奉檄署宜良縣事嵩明練

目陳玉順陸開元滋擾縣屬北屯公馳往彈壓玉順頑抗使其  
黨李缺背刺公公奪刀傷右手從兵格殺缺背玉順結營拒戰  
公圍之開元密來謁請夜半劫營願擒玉順自效如其言遂擒  
斬玉順籍游練歸伍 十二月公奉派會勦路南蹕城夷寇先  
遣弟毓祥偕張福保攻板橋公續至土官莊立營以夷眾不可

勝誅示諭招撫夷弗聽公督兵進攻破板橋寇壘偪城而營留  
福保駐攻公往來宜良籌濟軍糧 時西林土寇復擾公家屬  
離析江夫人奉鄧太夫人挈子女寓那陽寨公遣僕往迓力不  
能偕來遣公弟毓祥奉鄧太夫人就養至宜良鄧太夫人慮公  
乏內助聘賴夫人以九月禮娶來歸連平賴公國治之女賴以  
遊幕寓昆明者也 迤西姚州彌渡前爲西路官軍收復是年  
寇復陷之並陷景東大姚白井東南官軍近復嵩明武定安甯  
而東寇復陷阿迷昆陽富民元謀廣通定遠惟景東富民廣通  
旋即克復 提督文祥公堵勦無功張公亮基劾罷之

以傅公振邦爲雲南提督方勦捻淮徐不能來福兆公署提督接

辦軍務西事益劇張公檄褚武烈公克昌代之專辦西寇疏調  
處州府知府馬椿齡回滇襄辦東南招撫椿齡新興回紳也

庚申咸豐十年公三十二歲

正月十九日鄧太夫人卒於宜良公丁承重憂稟請解任終制  
大府奏留給假治喪仍辦軍務奉

旨

報可 二月攻路南軍失利夷寇勾陸涼回寇侵宜良北屯公馳

往防勦 三月寇陷我碧落甸各營公悉銳攻板橋寇堅守不  
出乃進營連珠寺規路南之右約參將何自清會勦寇分股竄  
大哨秦家寨射雞村斷北屯糧路公弟毓寶及牟正昌楊福章  
李廷碧等連夜擊走之又破之於得馬村柴石潭因於夢卜所



木竜前所結三營以扼北山 五月何自清破紫玉山寇壘與  
公會軍路南境內 七月公會何自清破寇塔山糧臺進拔板  
橋寇巢夷三十餘壘殲寇渠三自清督勇衝橋而過復破五壘  
公亦破附城數壘遂會軍城下議留北門不攻以待寇竄夜梯  
城東北隅而上火其望樓殺寇千計州城立復躡敗寇至北山  
鷺毛寨李子箐寇殲死反鬪我軍失利公陷圍中中飛石墜馬  
復躍上馳突還營是夜夷酋趙發率衆來歸自言方戰時迫公  
近忽聞震霆聲瞥睹黑虎躍起而公已突圍去公殆神人不敢  
抗願歸命公笑而受其降路南肅清叙功奉

旨以同知直隸州補用加運同銜大府旋檄公兼署路南州事移勦

潞江時寇分數境爲六營三十六哨脅漢民按戶出丁爲前趨  
公謀撫漢民以孤賊勢先遣守備潘文元設法招徠十二月公  
軍入境沿途要隘望風歸順直抵城外而營寇來犯屢破之奉  
檄兼署潞江府事 是冬江夫人奉謝太夫人攜家就養至滇  
是年東南軍復安甯晉甯呈貢褚公克昌督西路軍連破寇  
於沙橋鵲武關普昌河霽湧鋪克彌渡紅岩進駐賓川分攻姚  
州大姚雲南趙州軍威大振而東南寇竄陷廣通楚雄南安鎮  
南定達西路軍腹背受敵屢戰失利糧盡援絕賓川大營告陷  
褚公克昌戰死西寇得以專力攻陷鶴慶麗江劍川緬甯東寇  
李芳罔留蹕楚雄五城他寇仍回竄陷祿豐富民晉甯嵩明復

圍省城李芳圍尋舉楚雄五城附西寇 時張公亮基委申公  
有謀署提督接辦西路軍務委布政使鄧公爾恒率馬椿齡暨  
省紳孫鈞撫檄江新興之回議粗定而督撫有隙何自清部勇  
入督署鼓譟殺知縣雷焱張公引疾疏發卽行徐公之銘兼署  
督篆

辛酉咸豐十一年公三十三歲

正月公招撫潞江被脅練目陳梓劉福長計殲悍回百餘率眾  
以鎮海營來歸遣分營魚戶村蕭家背以偏右所寇壘復遣弁  
目郭秀畢明於二家村後山結二營城寇數千出犯血戰半日  
殲斃甚多寇卻而復前圍營數市寇酋馬良驥督戰甚力公飭

東基哨各營出軍抄其後寇陣始亂把總范登龍練目燕林交  
矛刺傷馬良驥擒斬之寇退屯紅山中樹村連日接戰獲勝公  
相二家村踞險要非破之不能進兵迺選精銳夜伏村外黎明  
乘微雨大霧直逼壘下拔簽礮濠拋放火毬噴筒順風助火頃  
刻延燒寇乘壘狂奔爲我軍截殲殆盡遂夷其村 五月公會  
總兵林自清攻昆陽海口踞寇大小十餘戰先破外援遂圍寇  
巢將弁肉薄爭前援牆湧進前者傷墜後者繼登壘戰竟日至  
夜克之殲寇首楊振彩斃寇數千獲械無算海口自爲寇踞屢  
勦無功旋撫旋叛爲省會肘腋巨患至是苦戰夷之一方稱快  
自清爲何有保養子從其姓擢總兵後乃復姓 七月十六日

文宗顯皇帝龍馭上賓八月杪雲南奉到

哀詔公在營次行禮成服 時西路各軍復安甯祿豐廣通元永黑  
琅六井進規楚雄府屬各城麗江團紳和耀曾張潤等亦克麗  
江劍川未幾楚雄師潰得者復失西寇併陷永昌騰越龍陵雲  
龍永北景東磬嘉東寇復陷安甯晉甯呈貢易門羅次嵩明圍  
擬省會大府檄徵各路兵入援 是年公命弟毓祥奉鄧太夫  
人樞歸那勞葬寨北平幹山 三月二十三日公三子春澤生  
九月公次女生不字

詔授貴州巡撫劉公源灝爲雲貴總督張公亮基留辦雲南軍務劉  
公旋奉

召入京以福濟公代之

諭卽赴任福濟公堅請卽謁

梓宮奉

旨革職起前湖南巡撫潘忠毅公鐸署雲貴總督擢福陞公爲雲南  
提督 徐公之銘劾申公有謀革職委林自清署提督自清殺  
呈貢知縣許正裕易門知縣周行釗於省垣何有保殺升任陝  
西巡撫鄧文愍公爾恒於曲靖行館徐公方倚自清平寇優容  
之飾詞入告中外物議譁然不恤也

岑襄勤公年譜卷二

壬戌同治元年公三十四歲

正月公自宜其帶兵援省攻克大樹營寇壘轉戰而前入城助守林自清日驕蹇戰不力徐公之銘苦不能制思仍以撫局爲結束二月令自清於軍前張示招撫建水回目武生馬如龍自呈爲故總兵馬繼美猶子三代殉難志在報效迫於仇殺鋌而走險實非得已願率衆就撫自清引之見徐公如龍請必得信義素著如公者至回營定議徐公乃令公往宣諭

朝廷威德因其所呈導以嚮義復暢陳順逆利害慷慨透切俾卽獻還城池散遣外回疏通官道一一維命公僅攜從兵數人留回

營信宿飲食談笑如平生歡如龍雅敬服以次交出所踞新興  
昆陽晉寧呈貢嵩明羅次易門富民各城厥後回目仍多反復  
者而如龍執節甚堅由公忠信威畧有以感孚而維繫之者深  
也如龍既來歸而馬德新亦率潞江回衆就撫徐公以撫局定  
疏請破格授如龍總兵德新二品伯克其餘酋目分別獎敘又  
陰倚公備緩急疏陳公戰功檄委代理雲南布政使奉

旨皆報可三月公接代理藩司印迎養謝太夫人至署回入省寢  
與自清忤自清不自安徐公疏請以自清赴四川勦寇自清不  
俟

命下以四月率所部赴蜀至瀘州索餉大譁張公亮基奉



青聖往撫定之數遺其具令自清引疾回黔後卒爲黔撫黎文肅  
培敬論勅寘之法 五月副將何有保爲其下所殺 七月  
撫徐公之銘以辦理安撫著有成效敘公功奉

旨加按察使銜並換花翎 閏八月署總督潘公鐸至曲靖九月入

省接篆視事 十月總兵馬如龍以臨安紳團撓撫局憤兵往

攻相持不下督撫檄公往諭解不聽公仍還省 是年知府夏

家疇奏將李維述田仲興等復楚雄鎮南廣通南安祿豐黑元

永各井 西寇陷普洱思茅 粵寇石達開之衆自黔竄入滇

境分股擾平彝宣威鎮雄大關東川陷巧家永善旋棄之渡金

沙江趨蜀 提督福陞公以逗留川境罷

胡公中和爲雲南提督方勦蜀寇不能來 時東南回衆雖受  
撫而猶懷猜忌西寇則盤踞已固淪陷寢廣抗拒如故滇中緣  
警兵承平久多恇怯頻年征戍傷亡略盡中原方有事粵拾  
餉餉不時至庫藏奇絀兵取諸團練餉取諸捐輸勢岌岌不可  
終日公受任於危疑之際深切隱憂惟以忠義激勵官紳士民  
人自爲戰家自輸貲虛已禮士拔其豪俊量材器使援勦各路  
假以便宜俾盡所長人樂爲用又加意聯絡迤西紳團李維述  
和耀曾張潤李鳳祥劉光瑛等伺取抵隙牽制西寇故省會粗  
安官紳亦皆倚公以爲重

同治二年公三十五歲

正月署武定營叅將回首馬榮潛結西寇假赴援臨安爲名率  
寇入省城十五日戕署總督潘公鏐及雲南府知府黃培林昆  
明縣知縣崔怡曾在籍侍郎黃公琮等殉難者數十人踞省以  
叛徐公之銘走匿馬德新家公獨偕諸弟率所部官兵勇千  
數百人力保藩署泊城東南隅各官多走依公變起倉卒人心  
洶洶公奉謝太夫人率眷屬聚處一樓積薪其下出而瀝血誓  
衆曰吾受

國厚恩有民社責已矢全家與城爲存亡衆感憤泣下皆誓死相  
從寇屢來犯悉擊却之寇以公在慮不得逞黠者猶陰持兩端  
奉馬德新入居督署稱護理總督約公集議於昭靈觀公隻身

往與賊寨約密議開闢以和議而密馳蠟九書責馬如龍以大義趣赴援如龍遂與臨安團紳泰將梁士美約棄嫌急公立率所部星馳回省士美亦助兵踵其後二月初一日夜分內外夾擊賊寇首李俊斃寇數千馬榮僅以身免走南甯合馬聯升而省垣復安堵如故是月徐公之銘疏聞奉

旨倭卹殉難官紳徐公職職逮問出力人員交新任督撫查明請獎先是川黔大吏問滇省失守督撫同殉卽撫大概情形馳奏

詔以勞公崇光爲雲貴總督賈公洪詔爲雲南巡撫

命賈公山川入滇先駐昭東相機籌辦勞公尋查明復奏奉

旨岑毓英著免升知府以道員補用欽此 徐公之銘仍攝理督撫

事時附省各城復爲寇踞乃疏請以馬如龍與公會辦全省勦  
撫如龍駐省公統兵出省西征 是月守備牛世有夏毓秀知  
縣伊勒通阿復富民擒斬馬富富馬榮之弟也 遊擊楊英培  
泰將馬青雲知州鄭延璧復武定 都司張其昌知縣楊乾廣  
復繼次 牛世有等進復祿豐 公弟毓祥遊擊趙發克嵩明  
陸原 夏家疇田仲興克他郎 公督副將馬忠李維述等分  
道西進復安甯廣通南安黑元永三井疊破西寇於捨贊小腰  
站進攻楚雄 馬榮馬聯升陷尋甸霑益平彝 東川兵變戕  
知府黎新德 三月昭通回寇陷大關知府夏廷楫旋復之  
四月東路寇氛日熾公奉徐公之銘檄回援乃留李維述督攻

是雄躬率親軍馳赴東路破天生關易隆寇屯進復霑益平義  
以臨靖尋旬寇乞撫於省城馬如龍啟徐公許之檄公旋師西  
征 五月寇陷武定鄭廷璧等旋復之 馬如龍撫定恩安將  
旬大關回寨 西寇陷維西 六月遊擊車愷同知張象奎復  
得嘉 泰將梁士美知州蔡恩復阿迷 公復至西路大營與  
諸將議分道進兵以一軍攻大姚姚州一軍攻景東鎮沅一軍  
攻雲南趙州一軍越險深入攻賓川鄧川公自督各軍攻楚雄  
鎮南兼顧三路往來策應又飛檄永北鶴麗官紳相機進勦牽  
制寇援部署既定剋日分進 七月公督軍連破雞川腰站戴  
家屯曲甸壩寇壘進逼楚雄鎮南 夏毓秀等復元謀 車愷

張象奎等復景東 泰將陳占斗攻卡南寇屯陣亡 八月田  
仲興車愷會克鎮沅恩樂南邱長發按板各井 知縣朱士達  
復白井 西寇陷中甸和耀曾走永北助勦 十月公督軍破  
小孤山古山寺雙橋寇屯克復楚雄 朱士達復大姚 十一  
月都司張潤等備李文元知府朱慶椿陸希曾等復中甸維西  
麗江 十二月遊擊錢大川等復賓川鄧川 同知張愉泰將  
王洪順等復永北 時馬如龍密函商公勦撫並用派副將楊  
振鵬徑赴大理招撫杜文秀於路陰結回目陳義保文明馬朝  
珍馬春林等轉約雲南趙州紅巖彌渡浪穹鶴慶諸回皆願反  
戈歸誠義等假名送振鵬入大理驟攻偽帥府文秀走逸義等

踞城通靈州寇馬國春率萬餘寇自蒙化至文秀走依國  
春復攻義等皆敗死振鵬被執文秀不殺縱之歸諸賊者聞  
文秀在復觀望持兩端 是年張公亮基署黔撫與勞公崇光  
備石寇餘黨賈公洪詔至四川疏陳滇中撫局難恃川督駱文  
忠公秉章亦奏稱滇事辦理不善紀綱廢弛賈洪詔銳意入滇  
然兵餉兩絀恐貽潘鐸覆轍宜加持重

詔令賈公進駐昭通川省籌撥兵餉川督復陳蜀力難於兼顧故迄  
未成行 是年公四子春華生三女生後子十四齡而殤女十  
齡而殤

同治三年公三十六歲



正月公督軍攻破沙橋鸚鵡關普洲安南關寇屯合圍鎮南  
將襲克定遠 泰將劉鴻文知縣尉遲品玉等復威遠 田帥  
與夏家疇等復思茅及石膏拖香二井進攻普洱 麗江永北  
軍攻上關失利鄧川浪穹鶴慶降寇復叛竄陷麗江 二月  
川軍攻下關失利趙州雲南彌渡降寇悉叛寇勢復振全力  
竄 援鎮南公督軍迎勦於普洲大破之進克波川蕎甸禾甸米甸  
四屯 東寇馬聯升馬榮陷霑益竄擾宣威馬龍徐公之銘病  
甚不能視事東路告警齊至省垣官紳慮有內患促公回顧根  
本乃班師東下公弟毓寶偕李維述留防楚雄 車愷劉鴻文  
尉遲品玉復緝甯 四月西寇陷賓川 徐公之銘病卒勞公

崇光咨催賈公洪詔赴任檄公暫代拆行撫署公事 馬聯升

陷馬龍州 六月勞公崇光奏委公督勦東寇解餉濟師公乃

布署東征 貴州豬拱箐苗寇竄鎮雄大關羹良牛街 七月

公東征至陸涼大破天生關越州寇屯遂薄曲靖營於城南遣

將分攻尋甸馬龍霑益 攻普洱軍失利西寇復陷思茅石膏

掘香二井 西寇陷永北 八月 賈公洪詔引疾

以林公鴻年爲雲南巡撫劉公嶽昭爲布政使席公寶田爲按察

使又奉

上諭著勞崇光林鴻年傳諭馬如龍岑毓英令其激勵兵勇安速進

剿剋日攻拔大理殄除杜文秀以明心跡而膺懋賞等因欽此先

是刑部尙書趙文恪公光疏稱馬榮之變馬如龍岑毓英同心協力轉危爲安近復進攻杜道坡復楚雄景東各城督臣勞崇光採訪公論欲重用二人惟撫臣賈洪詔意見不合以係徐之銘保舉不足深恃徐之銘行同敗類原屬可鄙但未可因其人不足取並疑所保之人亦棄而不用也現時滇中大勢除川馬如龍岑毓英別無籌辦善法從來用兵貴以操縱權宜之術濟之始克有成人人才難得機會易失似未便再事遷延而勞公崇光亦奏稱馬如龍彈壓省垣岑毓英帶兵出省連克堅城善爲驅策未嘗不可爲先路之導故有此

將出力情形確切查奏候

旨施恩 公攻曲靖屢獲勝仗馬聯升自率萬餘寇直犯大營公開  
壁山擊大破之殲寇過半聯升中矛傷奔竄入城我軍盡削城  
外寇屯偏城合圍楊武愍公玉科時隸和耀曾部爲隊長公見  
其屢戰陷陣識拔之命領百人爲選鋒 楊盛宗楊國發和耀  
曾何秀林夏毓秀等克復霑益馬龍 九月公令霑益馬龍各  
軍助剿尋何自往督戰晝夜輪攻馬如龍不忍盡誅同類自省  
帶兵來會諭寇縛獻馬榮馬興才開城降順 西寇復陷緬甸  
威遠 十月公會馬如龍以地道攻曲靖城寇惴懼如龍勒令  
獻還城池縛獻馬聯升斬於軍前東路肅清 十一月公駐圍

靖藩善後馬如龍押馬榮馬興才還省會司道訊供戮於市剖  
其心以祭潘忠毅公並殉難官紳 西寇陷鎮沅恩樂 景東  
兵變殺副將車愷 十二月元江知州沈保恒殺遊擊李虎  
滇中自變亂以來不惟漢回勢不兩立各屬之官仇官民仇民  
動輒治兵相攻弱肉強食報復無已上下視爲固然紀綱蕩盡  
矣

乙巳同治四年公三十七歲

正月西寇陷景東礪嘉 河西土寇李秀襲陷舊我知縣彭崙  
死之把總李士思等旋復城秀逸去 田仲興殺沈保恒 勞  
公崇光疏獎公曲尋戰功二月奉

上諭加布政使銜並賞勉勇巴圖魯名號 是月公派鍾念祖帶兵  
會夏家疇田仲興進攻普洱思茅 富民散練剽掠攻城公弟  
毓寶會夏毓秀彈壓解散 三月廣西州土寇殺遊擊陳萃公  
派楊國發馳擊斬寇首張顯餘寇解散 夏家疇鍾念祖等復  
普洱思茅 西寇陷雜西 五月苗寇陷鎮雄泰將張兆綬殺  
官紳從逆 六月公遣千總楊玉科繞道赴中甸協同官紳規  
進取 七月楊玉科殺降將李祖裕祖裕時署雜西協副將陰  
通寇玉科刺殺之代將其軍護協篆 八月楊玉科會張潤破  
寇白塔村復雜西 時泰遇

恩請封三代皆封榮祿大夫一品夫人公以本身妻室應得封典

國討叔祖父母九月二十六日領

神命四軸 是月楊玉科曾張潤克復麗江分規鶴劍 十月初十

日公五子春冀生 楊玉科克復鶴慶玉科至是乃知名 十

二月西寇復陷麗江鶴慶張潤退扼石門關楊玉科走永北

是冬勞公崇光林公鴻年奉

旨嚴飭赴滇由貴州四川先後啟行 林公在蜀邊先招降昭通土

寇李開甲漆維新等至是復叛踞彝良之礦礦山牛街之礦子

山 公自入滇治兵至是逾十稔矣於山川扼塞勦撫利鈍益

閱思有得慨然有撥轡澄清之志當馬如龍受撫冀可結以平

寇而如龍身獲無遠識每出底同教馬榮馬聯升等既降復叛

肆擾東南西征之師屢爲所絀卒至蹉跌又馬德新楊振鵬輩陰通西寇仍懷反側故力圖改弦而更張之思於東南先立不拔之基廼以全力攻曲靖曲靖爲迤東大郡扼黔蜀入滇門戶省會糧運所自出既克復遂留屯弗去修繕城池簡練兵馬勸農興學減稅恤商凡有經營無所牽制得行已意聯絡東昭聞臨互相犄角屹然爲省東重鎮回衆慮不利於已以危詞脅婁龍請公還省夏秋之交走使函書交錯於道公以東路善後未清紳民攀留爲詞婉謝之復書略謂同視有年肝膽相照在省在野莫非共勤

事有何隔別而生嫌疑且三舍弟奉老母留省署脫有異意



不如此願無聽逆言和衷報

國如龍意釋然而回衆固不憚也

丙寅同治五年公三十八歲

正月勞公崇光至平彝公迎謁於行館勞公一見奇之詳諮滇  
事公暢陳軍情寇勢及厯來辦理之乖請勞公進省坐鎮漸收  
旁落之權以維根本而用兵則宜先清東南俾無牽掣然後併  
力西征自可遞收全功勞公深然之疏陳入省有五不可緩又  
疏稱貴州豬拱箐苗巢聚苗截各股悍賊至十數萬之多兩陷  
鎮雄盤夏疊起大關通滇路梗黔之大定黔西威寧畢節  
各屬遍遭蹂躪驛道亦斷近年且擾及川疆不止爲滇黔腹心

之患黔省屢次用兵未得要領臣考輿圖鎮雄卽古之芒部豬  
拱箐距該州僅數十里須由滇籌勁兵一枝先復鎮雄次攻豬  
拱箐可期得手署藩司岑毓英謀勇兼優所部尤多勁旅臣飭  
該司挑選精銳五千親統進勦俟復鎮雄卽擄豬拱箐務使犂  
庭掃穴以除三省邊患已飭昭通府知府孔昭鈐籌辦糧米供  
支軍食又附陳馬姓龍興岑毓英意見不和擬令如龍督勦迤  
西分專責成而滇爭競疏入

上嘉其是月林公鴻年奏昭通飭楊盛宗由舊衙坪進兵規取永  
北二月勞公崇光至省城 林公鴻年罷

詔以劉公嶽昭代之方勦貴州上游之寇未能赴滇 是月公以將

越境徑詣總督謝太夫人至曲靖 三月公由曲靖督軍赴昭  
通派前鋒進屯樊良公弟毓祥留守曲靖 是月初十日奉

旨補授雲南總南道 四月樊良寇大出迎拒奮擊破之連下仰天

窩梓房溝各屯擒斬寇目楊洪順張呵呵公至軍督諸將進屯  
角奎嶺新街寇屯賊寇目胡正陽胡大作全壩寇目蔣興順雷  
有福等街寇目余天祐率黨數千獻營乞降公汰留精銳領以  
降目爲嚮導餘悉遣散移降日家屬交樊良州同吳泰彥安撫  
勸降之 遂進攻周家營寇屯公率親軍捫羅攀葛而上施放火  
箭燒其軍房大雨驟注乃斂軍退起壞撫牌五百具掠糧卒步  
步逼近去寇屯數武搶築新壘密開地道轟破寇牆十數文冒

煙衝入殄寇千計擒斬寇酋鄒滋保 五月連克獅子山與家

營收降日質心田縱入礮礮山爲內應反戈縱火官軍四面齊

進寇一晝夜遂夷寇巢李開甲逃遁俘其妻子乘勝克杏爐

山內肅清 七月進規礮子山先破竹箭礮寇屯寇築

礮三層長牆數道破燬之殲寇累千進偃山頂老巢都司

許占春陣歿 八月公督兵各挾薪草一束併雜進直薄墻

外縱火焚燒立破寇巢分兵連破王家寨板栗樹大河邊各屯

寇寇數千擒斬漆維新漆維邦並其家屬首目百餘人牛街境

內肅清 九月分兵攻破鎮雄城外朝陽洞馬道各寇屯寇藥

城遁入蓮花山公入城安撫還將分徇雲臺山等處連克百餘

屯復督親軍會攻蓮花火燄二山下之擒斬悍酋十餘人先後  
殺寇盈萬鎮雄境內肅清惟李開甲逸去 十月公弟毓琦偵  
擒李開甲於威寧之牛樂溝交昭通府縣訊明極刑處死 是  
月勞公崇光奏派署提督馬如龍布署西征分三路進取中路  
出鎮南大姚北路出永北南路出景東威遠悉歸如龍節制均  
限十一月次第起行 十一月田仰興尉遲品玉復鎮沅恩樂  
威寧畢節一帶冬令嚴寒不能用兵勞公崇光疏請飭公駐  
軍鎮雄度歲防堵各隘稍資休息俟明歲春暖卽越勦豬拱箐  
並陳公才氣可備大用奉

行 十二月楊盛宗軍至永北進攻馬坊 梁士美攻克阿白

寺寇巢新夷酋李春 公赴昭通籌備糧運豬拱箐苗寇出犯  
鎮雄公回援大破之於新營柳林 是年公六子春熙生後十  
二齡而殤

同治六年公三十九歲

正月二十六日奉

上諭雲南布政使著岑毓英補授又

簡春日融和正可乘勢進兵又

簡劉嶽昭速將大定黔西一帶節節疏通取道赴滇合兵勦辦豬拱  
箐劉公嶽昭疏言岑毓英卓著戰功實心任事部下將士皆經  
百戰自上年肅清鎮雄卽防勦豬拱箐於賊情地勢均所熟悉

不為官兵助勦實堪獨任艱鉅臣但籌濟軍火餉需勿庸再派  
兵前往以一事權而專責成毓英必能迅奏膚功

上允之公遂剋日遵

旨出師是月先破苗寇於茶山 二月勞公崇光薨於位

詔以張公凱嵩繼之未至按察使宋公延春暫攝其任 先是

上以滇亂久郡縣多陸沈命勞公崇光繪圖以進兵燹後文獻蕩然  
勞公依省志晨夕鉤稽摹繪圖未上而卒劉公嶽昭專疏呈獻  
是時淪陷府城四曰大理曰麗江曰永昌曰順甯州八曰姚曰  
趙曰賓川曰鄧川曰雲龍曰鶴慶曰劍川曰雲廳六曰騰越曰  
蒙化曰永北曰緬甯曰龍陵曰彌渡縣三曰雲南曰浪穹曰永

平南本和順舊麗江保山之附府者不計焉其他村堡市鎮不  
勝數其酋皆統於杜文秀更調久暫無常號 是月公督軍  
至緒拱箐築壘休士卒而日遣間諜偵寇中形勢以報初陶三  
春聞新春之倡亂也先踞海馬姑紅巖尖山山勢壁立斗絕大  
河帶其前鳥道一線攀援而登一夫扼險萬人莫進故寇呼爲  
鐵桶江山嘯聚日衆山隘不能容陶新春復分踞緒拱箐其地  
界三省之交八山環合三面嶄然惟青松梁一面爲往來之徑  
終頂孤峰勢凌霄漢三泉下注匯山麓爲河冠巢分踞山險房  
屋梯比十餘萬間山下沃壤曰吳家屯廣七十餘里冠糧資焉  
屯內有間道可達海馬姑外有二龍關大了口小了口三隘以



爲門戶冠悉置堅壘分布嚴密出掠退守操縱自如惟一隘曰  
大溜口者路徑險僻冠防稍弛偵者具白其實公乃密派張保  
和林守備夜率二千人由大溜口小路抄出二龍關後掩襲吳  
家屯而自督三千人攻二龍關黎明冠領巢出犯戰方酣忽聞  
關後槍礮轟鳴煙燄燄天冠驚同救我軍尾追夾擊連破三隘  
及吳家屯各壘擒斬數千得輜重牲畜無算冠奪氣 三月朔  
至望我軍擠紫山半三十四營逼近老巢冠出撲十餘次皆擊  
敗之陣斬冠目楊大仁十六日公弟毓琦通判牛樹勛率後隊  
三千餘人至聲威益壯援寇之自海馬姑來者公親督隊截於  
半道斬其渠魁餘悉竄同 四月初二日寇以千餘斤巨石斫

爲火輪中貫硝磺松脂引火於蒂乘夜自山頂滾下驅牛馬墮而冲踏毀我營二十餘座將士多損傷公督親軍拚命迎勦手戮悍酋熊潮龍羅大漢陶五等殺寇千計寇始收隊乃易別將填紮舊營於營前圍掘深坑寇如前攻犯礮石盡落坑中寇伎窮堅守不出以待海馬姑之援公遣蔡標周贊牛樹勛會總兵王丕烈分勦海馬姑用夷目安中華率降夷混入紅巖尖山放火內應我兵乘之立克尖山寇援遂斷 五月初二日在營專招恭謝授布政使

恩 六月初十日寇大出撲犯陶逆張黃蓋坐棚門指揮鋒銳甚公督將士奮擊寇大敗我軍施火箭焚其棚棚會大雨乃引還公

偵知苗俗連袂踏歌此唱彼和以傳心事乃令苗之從我軍者  
徧山環歌謠以解散寇中間歌逸去者萬餘人苗目王璧文譯  
名王大紅袍旋來降公賜以酒食推誠相待璧文感而獻計曰  
寇守備甚嚴每一弓地守以一人家東南者守西北家西北者  
守東南互相牽制莫敢二心每日惟卯酉二時然礮爲號留一  
人守十弓地餘聽各歸家餐飯飯後趨守如前公於此二時乘  
隙猛擊必破之矣公用其謀選敢死士二千人以任斌崔萬  
象林守懷趙得元李廷標將頭隊楊玉科張保和崔金斗岑寬  
德將二隊何秀林吳永安姜飛龍夏天德張兩翼接應申明賞  
罰有無無遺十九日昧爽公親率頭隊帶攜牌草細偃旗息鼓

伏寇營外至卯時填壕猛進連破其木城二重令夷目安中華  
王璧文大呼投誠免死苗衆紛紛棄械乞降寇勢瓦解後軍繼  
至士氣愈奮奔蹴山頂老巢寇殊死鬪鏖戰兩時公身先士卒  
直搗中堅縱火掩殺風烈巢焚斬首二萬餘級擒逆首僞帥陶  
新春僞大將楊應寨熊草果羅正春楊八僞軍師周國惡慶廷  
虛死救出難民男婦四萬餘人籍其善惡肅清 七月公督虜兵  
合剿海馬姑十七日以劉重慶黃得勝等軍攻後山中路楊王  
科張保和等軍伏前山小路寇領巢出後山接戰前山伏軍抄  
出奪其子營三十餘座殺二千餘人保和陣斬僞左翼勝軍張  
項七寇敗回老巢我軍四面以噴筒環燒寇棚賈勇而登寇驚

潰盡毀其壘擒斬焚溺以三四千計餘寇狂竄山頂夜大雪雨  
機困甚我軍鼓譟搜殺昏黑中寇倉皇投巖墜澗死者相枕籍  
擒僞帥陶三春楊應芳及酋目二百餘人斬之救出難民數千  
凡用兵四閱月三省邊界肅清八月奉

上諭賞給頭品頂戴

規畫豬拱箐善後事宜六條上之黔撫張公

亮基嘉許採用

時西師失利劉公嶽昭檄公旋滇駐防曲靖

先分派公弟毓祥劉重慶呂鎮南楊國發和耀曾柳明泰周之  
珪等軍馳助省防聽護督宋公延春調遣 十月公還曲靖二  
十一日專摺恭謝

大恩賞給頭品頂戴

先是西寇聞官軍議大舉西征加意戒備厚

積軍備屬承順雲鶴鹿寇兵精銳強半移至前敵迎拒是年春  
馬如龍進駐定遠遣楊振鵬攻賓川合國安楊先芝攻姚州李  
維述攻鎮南與寇屢戰互有勝負四月軍中病疫士無鬪志賓  
川姚州鎮南軍相繼潰敗南路軍退保普洱新平北路軍退保  
舊衙坪如龍留軍守定遠自回省城養病寇餒大熾回弁多還  
寇杜文秀探知公越境遠出益傾巢下竄六月陷定遠七月陷  
大姚八月陷廣通祿豐暨黑白琅各井九月陷南安十月陷元  
謀武定祿勸十一月陷楚雄羅次省會戒嚴督撫馳奏奉

上諭張凱嵩前奏請駐東昭先勦迤西此時情形萬緊該督應先入  
省城著卽募齊勇丁審機前進容毓英已撥兵援應應否馳回省

垣著劉繼昭宋延春爰商辦理欽此 十二月公在曲靖疊接到  
公嶽昭宋公延春飛函促援乃簡練土馬定期自將援省

戊辰同治七年公四十歲

正月寇陷富民安甯分竄省會西北村堡 省中徵南路田仙  
興鍾念祖梁士美等軍入援 二月公飭弟毓祥同守曲靖以  
十三口統兵援省揚言師出馬龍而取道宜良七甸進兵連破  
寇屯二十餘處二十五日進克小板橋 是月寇陷易門 楊  
振鵬踞昆陽叛 田慶餘踞新興叛 振鵬慶餘導西寇襲陷  
晉甯呈貢 張元林踞澂江叛 嵩明尋甸降同並延西寇陷  
城且謀窺曲靖東川 合國安馬學林馬雲龍謀內變刺馬如

龍偵獲逆書如龍遣馬柱誘斬學林雲龍李維述誘斬國安  
楊先芝馬天順馬世德馬文成馬葵馬文照各驛所屯營壘叛  
應西寇 劉公嶽昭前部李家福至曲靖添防 時西寇十餘  
萬益以裹脅號三十萬全注省會結壘百餘環西南北三面皆  
滿西以土堆南以江石館北以虹山爲老巢公分派將弁屯三  
面禦之而東面以弟毓寶屯焦三橋一路力保糧道通往來文  
報又懲同心反側專選漢兵守城以李維述馬忠領之 三月  
初二日公督軍攻克金馬寺等處十餘屯進紮大樹營分軍攻  
晉寧是貢接逼東面糧道築營水關大營公居中策應旬日人  
心粗定 初五初六兩日馬如龍李維述馬忠公弟毓寶先後



來見公籌商軍務如龍自悔羣回賣已公推誠慰勞約其竭力  
報

國如龍感激捐棄前嫌和衷協力措拄危局 寇陷欽莊邵甸守  
將周云禮劉爾直陣亡公派鍾念祖等軍馳援 寇攻楊林甚  
劇將弁戰沒四人公自將往援約李家福軍會勦十九日燒寇  
柴礮寇鎗凡傷公鼻準血涔涔下仍裹創督戰用地雷破寇壘  
六礮樓三楊林圍解 鍾念祖等復甸尾古城廠口 楊玉科  
繞道克復元謀破土環州馬街寇屯擒斬叛弁楊榮芝 是月  
劉公嶽昭至曲靖張公凱嵩至蜀以病免

詔授劉公雲貴總督授公雲南巡撫授宋公延春雲南布政使公尋

於閏四月初二日在營接受關防 劉公派楚軍規尋甸

四月楊盛宗軍潰於功山楚軍將全祖凱馳往助防 楊振鵬

夜渡滇池犯九甲河口十九日公弟毓寶督兵迎戰大破之毀

海埂三營蹙寇入水溺斃千計 楊玉科克復武定祿勸羅次

閏四月回弁李仲入城謀叛馬如龍誘斬之 初四初五日

公弟毓寶會李維述攻破古佛寺各寇壘進克石虎關 馬如

龍破寇大虹山克其一壘 五月十四日公還駐響水關大營

輕騎入城二次巡視城防以弟毓寶所部爲遊擊之師 田仲

興攻新興復後裕鄉 是月初四日張潤結劍川團紳何慎言

襲克州城分兵攻麗江鶴慶騰永寇分股赴援劉光瑛李鳳祥

等部因出圍龍陵扼斷蘭滄潞兩江渡口以攻騰永寇疲於奔  
救後路日擾矣 劉公嶽嚴疏請令提督胡公中和率川軍援  
滇

詔下川督崇實公行之川督派道員劉嶽曙將二千八百人赴滇胡  
軍仍不至 六月公赴呈貢督攻大敗援寇 楚軍台尋甸圍  
寇復陷羅次 七月初二日梁士偉攻破晉甯城西門寇踞  
牛城力抗 馬宗龍等克元謀屬馬街 八月十四日克復呈  
貢十五日公入城安撫 九月公派兵助攻晉甯二十日全城皆  
復寇戰焉 楚軍議遏草海水灌尋甸 寇復陷武定祿勸楊  
王科走還省營 鶴麗軍失利寇復陷劍川何慎言舉家殉張

潤退屯石門關 十月初六日公督馬忠等攻潞江寇乞降十  
四日收復郡城 二十七日鍾念祖等破邵甸七壘 十一月  
公還省城調度增派各路防勦 李維述敗寇臘口 黃文學  
敗寇欽莊 何秀林敗寇官渡 鍾念祖敗寇甸頭 是月初  
八日劉光瑛李鳳祥等克復龍陵鳳祥軍出杉木河分規永平  
雲龍 十二月初三日張保和克復富民 黃文學復祥勦  
鍾念祖楊玉科黃文學會攻武定 邵甸古城復陷二十四日  
李廷標復邵甸二十七日李維述復古城 是月尋甸圍師敗  
潰退保曲靖劉公嶽昭上疏自劾諸將降革有差 公子春榮  
春煦至軍省視適值尋甸潰師曲靖戒嚴省事亦劇驛路復梗

公仍令繞道還曲靖寬慰謝太夫人 是年閏四月初二日專摺奏恭謝

天恩五月十六日馳奏省外官軍歷次戰勝並陣亡遊擊楊文忻等十三員請卹一摺附片奏楊林戰狀奉

上諭岑毓英臨陣打仗身受槍傷奮勇可嘉現在調治當已痊愈著劉嶽昭隨時馳奏以慰廑系欽此二十七日馳摺奏旋抵省營布置防勦附片奏請催解協餉又片奏帶傷已愈奉

旨覽奏欣慰欽此八月十八日馳摺奏攻克州縣城池各路勝仗情形陣亡遊擊金長壽等二十四員請卹並陳明准督臣函商軍情由臣自行奏報以免遲延又摺奏司道庫及通省倉糧展限

盤查附片奏陣亡千總張成樑鄧宗福請卹十月初六日馳摺  
奏官軍肅清晉寧州城餘匪及各路勦辦情形又摺奏軍務方  
殷京銅一時難辦附片奏恭縱兵詭詐守備王文鳳革職十一  
月十一日馳摺奏收復潞江府城各路勝仗並陣亡守備楊仕  
代等十員請卹附片奏副將李維述等請開復處分又片奏呈  
解僞印僞劄十二月初六日馳摺奏攻克富民縣城肅清潞江  
餘匪分援新興嵩尋並陣亡守備馬鳴鑾等五員請卹附片奏  
岑毓寶援勦出力係

臣胞弟未敢擅擬獎敘奉

上諭同知岑毓寶著以知府用嗣後續有勞績著各由劉嶽昭奏請  
獎敘欽此又會奏遵保節次出力員弁開單請獎一摺恭進雲南

興國一摺附片奏查明同治二年克復城池員弁請飭照單注冊又片奏已革知州王家霖等員請開復處分又片奏總兵范清等請免按律定擬留營効力又附奏迪東釐金歸併省局管理又片奏奏監造火藥失慎千總萬繩武革職留營効力二十三日馳摺奏尋甸官軍失利後路喫緊糧餉支絀並陣亡千總李安貴等五員請卹附片奏協餉請改撥隣省又摺奏查明藉差延不同演各員開缺另補附奏兵勇數目俟挑足造報又馳奏懇陳滇省軍務現在籌畫情形酌擬八條一選定兵勇六萬分路進取輪班戡守一兵勇勿須外募就調集本省練勇八萬餘人申汰選足資得力一擬易勇爲兵俟事平歸伍以復舊制

一練勇餉項酌立章程仍由地方籌捐供支一籌備軍食地丁錢糧全數改徵糧米仍抽捐釐穀俟事平裁止一劃定兵餉每月需銀八萬兩本省稅課釐金所入得半餘待協濟一協餉請改撥隣省方濟急需一選任鎮將宜取知兵能戰不拘資格奉旨下部分別議行 公既握疆節益感激發舒統籌全局規畫戰守引爲已任不避小嫌劉公嶽昭亦和衷虛已滇事遂日有起色自後疏報軍事詳公奏稿中此第件繫條舉不復覩縷鋪敘尋常陳奏事件則擇書其稍重者而已